

Aalisarnermut, Piniarnermut Nunalerinermullu Naalakkersuisoq
Medlem af Naalakkersuisut for Fiskeri, Fangst og Landbrug

Inatsisartunut ilaasortaq
Hans Aronsen, Inuit Ataqtigiit



**Tunisassiorfiit 2010-mut tunitsiviusussat pilersaaruteqarfigineqanngitsut
pillugit sumiiffinni najugaqartunut soqutiginnittunullu
periarfissiissutigineqarsinnaanissaannik Naalakkersuisut
pilersaaruteqarnersut pillugit Naalakkersuisunut apequtigineqartup
nr. 134-p akineqarnera?**

Inatsisartut Suleriaasianni § 36 imm. 1 naapertorlugu Naalakkersuisunut ilinnit
apequtigineqartoq Naalakkersuisoqarfimma ulloq 11. november 2009 tigusi-
vaa.

23. november 2009
J.nr. 01.28.09

*1) Tunisassiorfiit 2010-mut tunitsiviusussat pilersaaruteqarfigineqanngitsut pillugit
sumiiffinni najugaqartunut soqutiginnittunullu periarfissiissutigineqarsinnaanis-
saannik Naalakkersuisut pilersaaruteqarnerlutik ?*

Postboks 269
3900 Nuuk
Tlf. (+299) 34 50 00
Fax (+299) 32 47 04
E-mail: apnn@gh.gl

Apeqqut 1 pillugu.

Naalakkersuisut Kalaallit Nunaanni suliffinnik ingerlatsinerit ajunngitsumik atugas-
saqartinnissaat soorunami kissaatigaat aammalu tamatumani eqqortumik pi-
masaqartoqarnissaa eqqarsaatigalugu atuuffimminnut inissisimanertik ilisimallugu.
Naalakkersuisut isumaqarput killiliussatut pi-masaqaatit eqqortut aalajanger-
saaffigisariaqarlugit, tamatumunngalu atatillugu taanneqassaaq illoqarfinni nuna-
qarfinnilu assigiinngitsuni suliniutinut immikkut ittunut 15 mio. kr.-inik Naalakker-
suisut akuersissuteqarsimmata. Aningaasat ilaatigut sulisoqarnerup ilinniarti-
taanernullu suliniuteqarnerup siuarsarnissaannut atorneqassapput.

Naalakkersuisut tunitsivinnik imaluunniit tunisassiorfinnik ingerlataqanngimmata
amma erseqqissarneqassaaq. Naalakkersuisut aktieselskabit aqqutigalugit tuni-
sassiorfinnik piginnittuusarput imaluunniit taakkununga kiffartuussinissamik isu-
maqatigiissuteqartarlutik, Naalakkersuisullu suliassarinnigilaat taakku qanoq isillugit
ingerlanneqarnissaannut pilersaarusiornissanut aalajangersaassallutik. Taamaam-
mat Naalakkersuisut tunisassiorfinnut matuneqarnissamik aarlerinartorsortunut
tunisassiorfiit Namminersorlutik Oqartussanut tunniunneqanngippata siunissami
erseqqissumik pilersaaruteqanngillat.

Taakku saniatigut apequtigineqarpoq tunitsivinnut Arctic Prime Production A/S-ip
Qaqortumi, Nanortalimmi Kuummiunilu ingerlassimasaanut ingerlatseqqinnissamat

Naalakkersuisut sunik pilersaaruteqarnersut. Tunisassiorfiit tamarmik Arctic Prime Production A/S-imit pigineqarput, taamaammallu tunitsivinnut taakkununga Naalakkersuisut siunissami aalajangiinissaminnut pisinnaatitaaffeqanngillat.

Kiisalu Naalakkersuisut aalajangiusimavaat sumiiffinni suliniutit tapersersorneqartuarnissaat. Taamaattumik tunisassiorfinnik matuneqarnissamik aarlerinartorsiortunut innuttaasut ingerlatsilernissaat periarfissaqarpat piginnittuusullu aaqqisuussinermut taamaattumut isumaqataassappata Naalakkersuisunit tamanna ajornartinneqanngilaq.

Inussiarnersumik inuulluaqqusillunga

Ane Hansen
Aalisarnermut, Piniarnermut Nunalerinermullu Naalakkersuisoq